



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

Litteræ confirmatoriæ Decretorum Concilij Primi Prouincialis Mediol. circa
clausuram Monialium & alia.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

ri: Volumus, & etiam declaramus, quòd earum transumptis etiam impressis manu alicuius Notarij subscriptis, ac sigillo alicuius Prelati munitis, eadem prorsus fides vbicunque adhibeatur, quæ presentibus adhiberetur, si forent exhibitæ. vel ostensæ. Dat. Romæ Apud Sanctum Petrum sub Annulo Piscatoris Die vlti. Martij M. D. LXVI, Pontificatus Nostri Anno Primo.

Ca. Glorierius.

Litteræ confirmatoriæ Decretorum Concilij Primi Provincialis Mediol. circa clausuram Monialium & alia.

PIVS, PAPA V.

Dilecto filio nostro, CAROLO, tit. sanctæ Praxedis Presbytero Cardinali Borromæo nuncupato.



ILECTE Fili noster, Salutem & Apostolicam benedictionem. Dudum à sc̄l. re. P I O PP. III. prædecessore nostro emanarunt litteræ in forma Breuis tenoris subsequenti, a tergo uidelicet, Dilecto filio nostro C A R O L O, tit. Sanctæ Praxedis Presbytero Cardinali Borromæo uocato, in tota Italia, nostro, & Apostolicæ Sedis de Latere Legato. Intus vero, P I V S Papa Quartus. Dilecte fili noster salutem & Apostolicam benedictionem. Iuxta nostri Pastoralis officij debitum, indefessa sollicitudine ad ea libenter intendimus, per quæ in singulis, præsertim monialiũ, monasterijs, regularis obseruantia, ac debita elausura non modo conseruatur, sed, si in eorum aliquibus forsitan dilapsa, aut dissoluta reperiatur, adhibitis opportunis remedijs, diligenter resarcitur, atque restituitur, ita vt ipsarum monialium sc̄lici statui, ac directioni, prosperoque & laudabili regimini salubriter prouideatur. Vt igitur ea, quæ à sacris Canonibus, & nouissimè à sacro Concilio Tridentino sancita sunt, ac reformationem, & clausuram monasteriorum monialium huiusmodi respiciunt, in tuis Ciuitate & diocesi ac prouincia Mediolanensi debitæ executioni demandentur: Monialesque ipse ad Regulam, quam professæ sunt, præscriptam vitam instituant, & componant, ordinumque suorũ vota, ac præcepta fideliter obseruent.

Ggg 3 Tibi

Tibi nostro secunda carnem nepoti, qui Ecclesie Mediolanensi ex concessione, & dispensatione Apostolica præesse dignosceris, ac quamdiu eidem præfueris, quemque ob eximiam, & singularium virtutum prudentiam, probitatem, ac religionem, nuper nostrum, & Apostolicæ Sedis de latere Legatum, de Venerabilium fratrum nostrorum sanctæ Romanæ Ecclesie Cardinalium consilio, in vniuersa Italia constituimus, & deputauimus, per Apostolica scripta committimus, & mandamus, vt per te ipsum, seu per te deputandos, prout tua tibi suaserit ratio, seu in proxima Synodo Prouinciali, vel Diocesana, per te celebrandis, sicut tibi magis expedire videbitur, ea omnia auctoritate nostra statuas, ordines, disponas, ac decernas, quæ ad custodiendam in quibusuis monialium monasterijs, etiam regularibus quibusuis subiectis, Ciuitatis, Diocesis, & Prouinciæ tuæ, huiusmodi debitam, & regularem normam, & clausuram, bonumque, & salutare regimen in eis inducendum, constituendum, & conseruandum, & denique ad illarum congruam, & expeditam correctionem, & reformationem necessariam esse cognoueris, seu quomodolibet opportuna. Nos enim ultra facultates tibi nuper per alias nostras, etiam in forma Breuis litteras sub Data Romæ die iij. Februarij, proximè præteriti circa visitationem, reformationem, & correctionem monasteriorum monialium tuarum Ciuitatis, & Diocesis, & Diocesis, & Prouinciæ tuæ, quas omnes & singulas ad quæcumque monasteria, quibusuis Regularibus subiecta, ac ad quascumque ciuitates, terras, & loca totius tuæ Prouinciæ Mediolanensis harum serie extendimus, & ampliamus, extensasque & ampliatas fore, & esse decernimus, ita tamen, quod quoad monasteria monialium, etiam Regularibus quibusuis subiecta, existentia in ciuitatibus, terris, & locis Suffraganeorum tuorum de eorum consilio, & consensu, prout tibi videbitur, facultates ipsas iuxta prædictarum & præsentium litterarum formam & tenorem, exercere, illisque vt libere valeas: Circumspectioni tuæ quæcumque monialium monasteria præfata, etiam quomodolibet exempta, ac Nobis, & Apostolicæ Sedi, seu Hospitali sancti Spiritus, seu sancti Ioannis Hierosolymitani, vel Basilicæ sancti Ioannis Lateranensis, aut sancti Petri de Vrbe, seu quibusuis alijs Hospitalibus, & Ecclesijs Sæcularibus, uel Regularibus dumtaxat subiecta totius tuæ Prouinciæ Mediolanensis, quæ reformatione indigere iudicaueris, eorumque moniales, & personas tam in capite, quam in membris, auctoritate nostra visitandi, reformandi, corrigendi, & emendandi, ad debitamque, & regularem obseruantiam, & clausuram iuxta Canonicas sanctiones, & regularia suorum ordinum instituta, & alia, quæ tibi congruentiora videbuntur, reducendi, reponendi, & restituendi, ipsasque moniales, si tibi visum fuerit, ad alia monasteria eorundem seu aliorum ordinum in totum, vel in partem

trans-

transferendi, necnon monasteria ipsa, etiam quibusuis Regularibus subiecta, diruendi, supprimendi, uel alijs uniendi, annectendi, incorporandi, seu ad alios usus, tibi bene uisus, mutandi: Et insuper quæcumque statuta, & ordinationes rectum, & exemplarem monialium, & personarum huiusmodi uiuendi modum, ac normam, debitamque clausuram concernentia, faciendi, & condendi, & factaque, & condita, si melius & consultius esse censueris, alterandi, & mutandi, aliaque de nouo condendi, & edendi, illaque sic per te condita, & edita ab omnibus Abbatissis, Priorissis, Monialibus, & personis eorundem monasteriorum per excommunicationis aliasque censuras, & pœnas Ecclesiasticas, cæteraque opportuna iuris & facti remedia firmiter, & inuolabiliter obseruari mandandi, & faciendi: Necnon pro faciliori statutorum, & obseruationum huiusmodi obseruatione, & executione dictarum monialium Superiores, & in eorum negligentiam locorum Episcopos in executores præmissorum statutorum & ordinationum constituendi, & deputandi: Contradictores quoslibet & rebelles, tibi que super his parere recusantes, & renitentes censuris, & pœnis, ac remedijs præfatis, quacumque appellatione remota, compescendi, illaque, etiam iteratis vicibus, aggrauandi, & interdictum Ecclesiasticum apponendi, auxilium quoque brachij secularis ad hoc, si opus fuerit, inuocandi, & generaliter omnia, & singula faciendi, gerendi, mandandi, & exequendi, quæ tibi ad Dei omnipotentis laudem, & gloriam, ac diuini cultus augmentum, Religionisque conseruationem, & animarum salutem expedire uidebuntur: Amplam, libram, & omnimodam auctoritate Apostolica tenore præsentium facultatem, & potestatem concedimus, & impartimur. Districtius inhibentes monialibus, & personis præfatis, & quibusuis alijs cuiuscumque dignitatis, status, gradus, ordinis, & conditionis fuerint, ne sub indignationis nostræ, & excommunicationis latæ sententiæ eo ipso, si contra fecerint, incurrendis pœnis, te, uel à te deputatos, quominus huiusmodi uisitatio, reformatio, & clausura fiant, suumque debitum, & optatum foruantur effectum, impedire, retardare, aut perturbare audeant, uel præsumant. Ac etiam eisdem, quacumque Ecclesiastica, seu mundana præfulgeant dignitate, uel excellentia, sub antedictis pœnis mandantes, ut tibi aut tuis deputatis huiusmodi in præmissis omnibus, & singulis efficaciter pareant, & assistant. Decernentes præterea, statuta, & ordinationes per te, seu à te deputatum pro tempore, facta huiusmodi, & edita eo ipso, quo facta fuerint, Apostolica auctoritate confirmata, & approbata esse censeri: Et ita per quoscumque Iudices, & Commissarios, quauis auctoritate fungentes, etiam dictæ Ecclesiæ Cardinales, sublata eis, & eorum quilibet quauis aliter iudicandi, & interpretandi facultate, & auctori-

rate, iudicari, & definiri debere, ac irritum, & inane, quicquid secus super his à quoquam quavis auctoritate scienter, vel ignoranter contigerit attentari. Non obstantibus constitutionibus, & ordinationibus Apostolicis, ac quibusvis monasteriorum & illorum ordinum, seu etiam Militiarum, à quibus illa dependent, etiam iuramento confirmatione Apostolica, vel quavis firmitate alia roboratis, statutis, & consuetudinibus, stabilimentis, vsibus, & naturis, priuilegijs quoque, indultis Apostolicis, etiam Mari magno, Bulla aurea, vel alijs quomodolibet nunciatis, nec non quibusvis exemptionibus, libertatibus, & immunitatibus illis; eorumque monialibus; & personis, etiam ab immemorabili tempore citrà, sub quibuscumque tenoribus, & formis, ac cù quibusvis etiam derogatorijs derogatorijs, alijsque efficacioribus efficacissimis, & insolitis clausulis, irritantibusque, & alijs decretis, quomodolibet, etiam iteratis vicibus concessis, approbatis, & innouatis. Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, expressa, & indiuidua, non autem per clausulas generales, idem importantes, mentio, seu quavis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad uerbum nihil penitus omisso, & forma in illis tradita obseruata inferri forent, presentibus pro sufficienter expressis, ac totaliter insertis habentes, illis alijs in suo robore permansuris, hac vice dumtaxat, ad effectum presentium, specialiter & expresse derogamus, ac latissime derogatum esse volumus, ceterisque contrarijs quibuscumque. Datum Romæ apud sanctum Marcum sub annulo Piscatoris Die vltima Augusti. M. D. LXV. Pontificatus nostri anno sexto. Cæ. Gloricius. Cum autem, sicut ex relatione tua, nobis ore tenus facta, accepimus, tam tua ordinaria auctoritate, quam facultatis tibi, vt præfertur, concessa, ac dictarum litterarum vigore, in Prouinciali Synodo Mediolanensi, per te proxime celebrata, nonnullæ constitutiones, & ordinationes, præsertim circa ingressum ipsarum monialium, earumque clausuram, colloquia, & loca, vbi cum alijs loqui solite sunt, claues, & laminas ferreas, educationem puellarum secularum, cæteraque ad bonum, honestum, ac laudabilem viuendi modum, salubremque directionem, prosperumque gubernium pertinentia, per te, etiam de patrum ibidem congregatorum consilio, & assensu factæ, sancitæ, atque editæ fuerint, & propterea tu cupias conseruationes, & ordinationes, cæteraque præmissa, quo firmitus obseruentur, nostra quoque auctoritate roborari. Nos cupientes ea, quæ ad religiosarum personarum, præsertim femine sexus, obseruantiam, rectamque, & probatam illarum vitam, normamque tendere dignoscuntur, sine aliqua contradictione, debite

executioni demandari; constitutiones, & ordinationes, omniaque
 & singula, vt prefertur, gesta, facta, & ordinata, non tamen sacris
 canonibus, vel Tridentini Concilij super ijs editis decretis contraria,
 eorum omnium tenores presentibus pro sufficienter expressis habentes,
 auctoritate Apostolica, tenore presentium ex certa nostra scientia
 confirmamus, & approbamus, ac illis perpetuæ, & inuiolabilis
 firmitatis robur adijcimus, eaque per nos confirmata & approbata
 fore & esse, & ab omnibus cuiuscumque gradus, & quibuscumque
 exemptionibus, & priuilegijs munitis, quos illa quomodolibet con-
 cernunt, & in posterum concernere poterunt, inuiolabiliter obser-
 uari debere statuimus; Supplentes omnes, & singulos iuris, & facti
 defectus, si qui forsitan interuenerint in eisdem; Nec non presentes
 litteras, & in eis contenta quæcumque ex quauis causa de surreptionis,
 vel obreptionis, aut nullitatis uitio, seu intentionis nostræ defectu,
 nullatenus mutari, vel impugnari posse, sed suos plenarios, & integros
 effectus sortiri, & irrefragabiliter obseruanda esse. Sicque per quos-
 cumque quauis auctoritate, etiam Episcopali dignitate fulgentes, sub-
 lata eis, & eorum cuiilibet quauis aliter interpretandi facultate, inter-
 pretari, ac definiri debere, ac quicquid secus super ijs à quoquam
 quauis auctoritate scienter, vel ignoranter contigerit attentari, irritum
 & inane decernimus, & declaramus. Mandantes in virtute sanctæ
 obedientiæ Abbatissis, ac Priorissis, & monialibus dictorum mona-
 steriorum totius Prouinciæ huiusmodi, quomodocumque exemptis,
 & quibuslibet exemptionis, & immunitatis priuilegijs munitis ac
 suffulcis, & quibusuis Regularibus quouis modo subiectis, vt consti-
 tutiones, & ordinationes, aliaque præmissa, firmiter, & inuiolabi-
 liter obseruent; nec illis quouis pretexto, aut quæsito colore contra-
 uenire, aut se eis opponere quomodolibet audeant, vel præsumant. ipsis
 autem Episcopis & Ordinarijs præcipimus, vt illa iuxta dictarum &
 presentium litterarum tenorem, debite executioni realiter, & cum
 effectu demandari curent, & faciant. Non obstantibus constitutio-
 nibus & ordinationibus Apostolicis, necnon omnibus illis, quæ idem
 Pius prædecessor in suis litteris voluit non obstare, ceterisque contra-
 rijs quibuscumque. Dat. Romæ apud sanctum Petrum sub annu-
 lo Piscatoris die xij. Aprilis. M D LXVI. Pontificatus no-
 stri anno primo.

Cę. Glorierius.

Consti-